

UPPsiKS UMS Santuni Warga Rumah Anak Yatim Tambunan

Terakhir dikemaskini: Selasa, 04 Disember 2018 16:31 | [Cetak](#) | Jumlah paparan: 192

Kongsi 15

Syorkan 15

Kongsi

Tweet

Share



**SELASA, 4
DISEMBER**
– Universiti
Malaysia
Sabah (UMS)
melalui Unit
Penyelidikan
Psikologi dan
Kesihatan
Sosial
(UPPsiKS),
Fakulti
Psikologi dan
Pendidikan
(FPP)
menyantuni
warga Rumah
Anak Yatim
Tambunan
melalui
penganjuran
Program
Khidmat
Masyarakat
di rumah
kebajikan
tersebut.

Program berbentuk motivasi itu diadakan bertujuan untuk memberi pengetahuan kepada peserta khususnya penghuni Rumah Anak Yatim Tambunan berkaitan kemahiran mengenali potensi dan bakat diri berdasarkan ciri personaliti masing-masing.

Menurut Ketua UPPsiKS, Dr. Muhammad Idris Bullare @ Bahari, program tersebut antara lain memberi pendedahan mengenai konsep psikologi dan personaliti kepada peserta dan seterusnya membolehkan para peserta mempraktikkan pengetahuan serta kemahiran tersebut dalam konteks pembelajaran, komunikasi, dan sebagainya.

“Di samping itu, para penyelidik UMS yang terlibat juga berpeluang untuk menjalankan temu bual bersama anak yatim berkaitan konsep kebahagiaan menurut perspektif mereka, dan hasil dapatan yang diperoleh oleh salah seorang kanak-kanak menyatakan bahawa “kebahagiaan terletak pada hati yang tenang dan dapat menggembirakan orang lain seperti dapat menggembirakan adik dan rakan-rakan.”

“Justeru, diharapkan agar lebih banyak program khidmat masyarakat seperti ini dapat diadakan supaya lebih ramai yang akan terdedah dengan personaliti diri dan secara tidak langsung kanak-kanak tersebut dapat mengetahui potensi diri mereka dalam berdepan dengan kehidupan seharian,” ujar beliau.

Program tersebut disertai seramai 20 orang anak-anak yatim yang berusia antara 8 hingga 17 tahun.

